

在田錄  
明宮史  
東朝紀  
聖君初政記



明  
宮  
史

劉若愚輯著

中  
華  
書  
局

叢書集成初編

在 田 錄（及其他三種）

中 華 書 局 出 版 發 行

（北京王府井大街三十二號）

秦 皇 島 市 資 料 印 刷 廠 印 刷

一 九 九 一 年 北 京 第 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：ISBN 7-101-00894-1/K·367

明宮史

此據學津討原本  
排印初編各叢書  
僅有此本

## 欽定四庫全書提要

明宮史五卷。舊本題盧城赤隱呂恣校次。恣始末未詳。蓋明季宦官也。其書敘述當時宮殿樓臺服食宴樂及宮闈諸雜事。大抵冗碎猥鄙。不足據爲典要。至於內監職掌條內。稱司禮監掌印秉筆。秩尊視元輔。權重視總憲云云。尤爲悖妄。蓋歷代奄寺之權。惟明爲最重。歷代奄寺之禍。亦惟明爲最深。二百餘年之中。盜持魁柄。濁亂朝綱。卒至於宗社邱墟。生靈塗炭。實爲漢唐宋元所未有。迨其末造。久假不歸。視威福自專。如其固有。遂肆無忌憚。筆之於書。故迹其致亡之道。雖亦多端。要以寵任貂璫爲病本之所在也。然其人可誅。其事乃足爲炯鑑。家語稱周明堂之四門。有桀紂之象。儀禮鄉射禮。司射適堂西。命弟子設豐陳。祥道禮書。稱舊圖刻人形。謂豐國之君嗜酒亡。因狀之以爲戒也。漢書敘傳。載乘輿幄座張畫屏風。畫紂醉踞妲己作長夜之樂。班伯亦以爲警。沈涵焉。豈非借彼前車。示其覆轍。俾後來以此思懼乎。我朝自列聖以來。家法森嚴。內豎不過供灑掃。或違律令。必正刑章。不待於遠引周官。委權冢宰。而乾綱獨握。宮掖肅清。已足垂法於萬世。乃猶防微杜漸。慮遠思深。特命稽錄斯編。登諸冊府。著前代亂亡之所自。以昭示無窮。伏考尙書有曰。殷鑒不遠。在夏后之世。詩大雅有曰。儀監于殷。亦越漢之高帝。使陸賈作新語。亦曰。著秦之所以失。與我之所以得。蓋時代彌近。資考鏡者彌切也。皇上於內殿叢編。檢逢是帙。聞其膠而仍存之。聖人之所見者大矣。謹恭

錄論旨，弁冕簡端，仰見銜鑒親操，折衷兼論，勸千古未有之鴻綱，皆賴主勸懲，言賢法戒，非他以屬華浮黜，爲藏弄之富也。

# 明宮史

明 司禮太監劉若愚輯著  
蘆城赤隱呂 慈編次

皇清 昭文張海鵬 較梓

## 金集

### 宮殿規制

皇城外層向南者曰大明門。與正陽門永定門相對者也。稍北過公生左門。而向東者曰長安左門。再東過玉河橋。自十王府西夾道。往北向東者曰東安門。轉而過天師庵草場。轉西向北曰北安門。卽俗稱厚載門是也。轉而過太平倉。迤南向西曰東安門。再南過靈濟宮灰廠。向西曰長安右門。紅柵之內門之北。則登聞鼓院在焉。此外圍之六門。牆外周圍紅鋪七十二處。

紫禁城外向南第一重曰承天之門。每年霜降後。吏部等衙門朝審刑部重囚。在門前中甬道之西。東西甬道之南。五府等衙門。坐東向西。吏部等衙門。坐西向東。吏部主筆者第一座。刑部正堂第二座。都察院第三座。餘以次列之。南二重曰端門。三重曰午門。魏闕西分曰左掖門。曰右掖門。轉而向東曰東華門。向西曰西華門。向北曰元武門。此內圍之八門也。牆外周圍紅鋪三十六處。每晚有助臣一員。在門左門內直宿。每更官軍提銅鈴巡之。而謹城之河邊焉。

皇城內。自北安門裏街東曰黃瓦東門。門之東街南曰尙衣監。街北曰司設監。再東曰酒醋麵局。曰內織染局。曰皮房。紙房。曰針工局。巾帽局。曰火藥局。卽兵仗局之軍器庫也。再東稍南。曰內府供用庫。曰番經廠。曰漢經廠。曰司苑局。曰鐘鼓司。再南曰新房。曰都知監。曰司禮監。司禮監第一層門向西。與新房之門一樣。門之內稍南。有松十餘株者。內書堂也。先師位南向。其楹聯曰。學未到孔聖門牆。須努力。儻行幾步。了不盡家庭事業。且開懷丟在一邊。聖人位之北一間。則內書堂。教書詞林先生憩息之所也。廚房設在後。凡米肉食料。俱取辦於光祿寺。內書堂稍北。曰崇聖堂。再北向南者。則二層門矣。入此門。再東朝南者。本監公廳之大門也。門外有東西二井。遞封汲之。西井之西一小門。東井之東一小門。其內皆提督監官典簿文書房。掌司所居房屋也。古書籍名畫筆墨綾紗紙劄。各有庫貯焉。新房之北。司禮監也。新房之南。御馬監也。所謂新房者。東西一街。南北一連二連三連等。連連之十字路口。各有井。御馬監之南向西者。曰杆子房。曰北膳房。曰暖閣。廠之東門可通河。而西門最高大。啓閉不便。遂於大門扇上。復開一小門。以便行走。河之西岸。榆柳成行。花畦分列。如田家也。曰南膳房。再南曰冥器廠。曰混堂司。曰內東廠。曰尙膳監。撥子斜。對御馬監向東者。曰北花房。亦辦膳之所也。曰印綬監。曰中書房。曰蹴圓亭。武廟復臨亭之曰內承運庫。此庫掌印劄書掌司寫字諸人所住之署也。此路總名之曰東河邊。尙有房八區。則司禮監乘筆隨堂衆住。所謂河邊直房是也。過東上北門。東中門。街北曰彈子房。曰學醫讀書處。曰光祿寺。街南曰篋頭房。再東則東安門裏。俗所稱牆門者。過橋則東安門也。自東至南門之東曰重華宮。其前曰重華門。曰廣愛



門曰咸熙門曰肅雍門曰康和門。猶乾清宮之制。而後有兩井。東西有兩長街。西長街則有興善門。麗京門。長春門。清華門。寧福宮。嘉福宮。明德宮。永春宮。永寧宮。延禧宮。延春宮。宜春宮。今爲停喪之所。凡妃嬪皇子皇女之喪。皆於此停靈。至發引時。出東上南門。東上北門。北中門。北安門。詣西山等處墳園安厝。東長街則有廣順門。中和門。景華門。宣明門。景明門。洪慶門。洪慶殿。供番佛之所也。又有膳房。又有門曰景和門。又東則內承運庫藏也。自東上南門。迤南街東曰永泰門。門之內街北。則重華宮之前門也。其東有一小亭。臺上有一小亭。再東南則崇質殿。俗云黑瓦殿是也。朕奉年間。英宗自北時回所居永泰門。再南街東則皇度史。成珍藏太祖以來御筆寶錄。要緊典籍。石室金匱之書。此其處也。皇度史每年六月初六日。奏知。晒晾司禮監第一員監官提督。董其事。而稽覈之。其看守則監工也。左右小門曰歸龍。左門。歸龍右門。再東則追先閣。欽天閣。透玲碑在焉。世廟御製。欽天頌勒于碑。碑石光潤。近似臥碑制也。再南則御前作平也。皇度史震之西。過觀心殿射箭處。稍南有門曰蒼龍。其南則昭明門。其西南則嘉樂館也。其北曰丹鳳門。門列金獅二。內有正殿曰龍德左殿。曰崇仁右殿。曰廣智正殿。殿後爲飛虹橋。橋以白石爲之。懸獅龍。鼉。魚。蝦。海獸。水波洶湧。活躍如生。云是三寶太監鄭和自西域得之。非中國石工所能製者。橋之前右邊一塊缺損。云是中國補造。屢易屢泐。亦古跡也。橋之南北有坊二。曰飛虹。曰戴虹。姜立綱筆也。橋之東西。有天光雲影二亭。又北堦石爲山。山下有洞。額曰秀岩。以磴道分而上之。其高高在上者。乾運殿也。左右各聳一亭。曰凌虛。曰御風。隔以山石。簾蘿花卉。若牆壁焉。後爲永明殿。最後爲閭殿。引流水遶之。曰環碧。再東曰

玉芝宮。後殿曰大德殿。外券門曰寶慶門。曰延祥門。曰佳麗門。其東牆外則觀心殿也。自皇遽東。東南有門。通河。河上曰湧福閣。舊名澄輝閣。俗所謂騎馬樓者是也。迤東沿河轉北。則呂梁洪。則東安橋。再北有亭。居橋上曰涵碧。又北則回龍觀。止焉。其殿曰崇德者是也。觀多海棠。每至春深盛開之時。聖駕多臨幸之。是河也。從北安門外文昌宮。迤東步根橋。入經皮房內織染局巾帽局御馬監之東。東安門橋下。至長安左門外。迤東之玉河橋出焉。北安門內街東曰安樂堂。凡內官有疾者。送此調理。山陵及外廠九門官。則不送也。再南黃瓦西門之裏。則內官監也。過北中門。迤西。則白石橋。萬洪殿等殿。至大高元殿。則習學道經內官之所居也。其北則裏冰窖也。北中門之南曰壽皇殿。左曰毓秀館。右曰育芳亭。後曰萬福閣。其上曰臻福堂。曰永膳閣。其下曰聚仙室。曰延寧閣。曰北果園。殿之西門內有樹一株。掛鐵雲板。年久樹長。遂銜雲板於樹幹之內。止露十之三。誠古迹也。殿之東曰永壽殿。曰觀花殿。植牡丹芍藥甚多。曰集芳亭。曰會景亭。曰翫春樓。其下曰壽安室。曰觀德殿。亦射箭處也。與御馬監西門相對。乃壽皇殿之東房。萬歷中始開者。殿之南則萬歲山。俗所謂煤山也。故老云土壙地築而成。崇禎己巳冬。大京兆疏亦誤指爲有煤。山下樹木葱鬱。鶴鹿成羣。呦呦之鳴。與在陰之和。互相噴發。可並聞於霄漢。門間上有一成磴道。每重陽日。聖駕在山頂陞座。可遙望靡涯矣。山之前曰萬歲門。再南曰北上門。左曰北上東門。右曰北上西門。西可望乾明門。東可望御馬監也。再南過北上門。則紫禁城之元武門也。

此上西門之西大高元殿也。其前門曰始青道境。左右有牌坊二座。曰先天明鏡。曰太極仙林。曰孔綬皇

祚曰宏佑天民。又有閣二座。左曰昊音明閣。右曰樞音靈軒。內曰福靜門。曰慶生門。曰高元門。曰蒼精門。曰黃華門。殿之東北曰無上閣。其下曰龍車鳳篆。曰始陽齋。曰象一宮。所供象一帝君。鉅金爲之高尺許。乃世廟元脩之御容也。稍西曰石作。曰圓明閣。又西曰乾明門。門裏迤南曰兵仗局。曰西值房。卽尙衣監所屬之袍房也。曰舊監庫。屬內官監。地方曰尙膳。外監曰甜食房。曰西北上門。其東北向者。則西下馬門矣。

紫禁城鑊城河一帶。其東有內承運庫衙門。起至北花房止。西岸有矮河牆。廣列石作物料。其東北角。西北角。有澡馬河。礮礮石欄。

自西北上門過西上南門。向東。則御用監也。又南向西。則銀作局也。再南過橋向南曰靈臺。亦有觀象臺。銅鑄渾天儀。以測星度。觀雲氣焉。沿河西岸而南。曰寶鈔司。自西中門之西。則尙寶監也。鷹房司也。屬尙監。再西出西苑門。迤南向東。曰灰池。曰水碓。水磨河之西。土坡之上。曰昭和殿。曰擁翠宮。曰鐘臺坡。曰澄澗亭。又北曰紫光閣。再西曰萬壽宮。曰壽源宮。嘉靖四十四年春。更曰百祿宮。曰五福殿。曰承祐殿。左祐祥殿。右祐寧殿。曰龍吉齋。曰鳳祥館。曰昭祥閣。曰朝瑞居。曰耀曦門。曰耀朝門。曰含祥門。曰成瑞門。曰永和門。曰永順門。曰永綏門。曰永社門。曰納康門。曰長寧門。曰凝一殿。其東曰萬春宮。曰含春殿。曰萬和宮。曰萬華宮。曰萬寧宮。曰御饌庖。曰體仁門。曰履康門。曰啓壽門。曰納福門。曰泰安門。其西曰仙籙宮。曰仙樂宮。曰仙安宮。曰仙明宮。其朝東南起有門廿一。曰常寧。曰常和。曰常善。曰常耀。曰金寧。曰攸順。曰攸利。

曰金靜。曰金瑞。曰宣惠。曰靜安。曰壽康。即灌木。曰金寧。即授衣。曰常靜。曰壽安。曰康成。曰東和。其南曰壽德。曰永光。曰嘉安。其東曰柏木殿。曰旋坡臺。即兔兒山顯揚殿也。曰迎仙亭。牌坊二。南曰福樹。北曰祿樹。臺上七層。牌額曰玉光。曰光華。曰華耀。曰耀真。曰真境。曰境仙。曰仙臺。曰朝元館。曰景德殿。曰大光明殿。曰登豐門。曰廣福門。曰太始殿。曰太初殿。曰宣恩亭。曰響社亭。曰一陽亭。曰萬仙亭。曰永吉門。曰左安門。曰右安門。曰太極殿。曰統宗殿。曰總道殿。曰天元閣。下曰闕元保。作朝東外二門。曰天平。曰豐和。曰無逸殿。曰幽風亭。曰落成殿。金海石橋之北。河之西岸。向南。曰玉熙宮。曰承華殿。即迎翠殿。曰寶月亭。曰芙蓉亭。曰清馥殿。曰丹馨殿。曰錦芳亭。曰翠芬亭。曰長春門。曰昭馨門。曰端芬門。曰馥景門。曰仙芳門。曰馥東門。曰馥西門。曰澄碧亭。曰騰波亭。曰飛鶴亭。曰騰禧殿。即黑老婆殿也。曰王媽媽井。河之上游。倒影入水。如城闕龍宮者。曰乾德殿。即俗稱北臺是也。高八丈一尺。廣十七丈。磴道三分三合而上之。萬歷二十九年夏建。

乾清宮。牌子朝中內官監總理陳永壽董其役。至天啓元年十一月十四日。奉旨拆毀平之。天啓四年夏。就其處爲嘉豫殿。其門曰近京門。牌坊二。南曰福渚。北曰壽岳。河中有亭五。中曰龍澤。左曰澄祥。右曰湧瑞。左曰滋香。右曰浮翠。總謂之曰五龍亭也。又洞三。上曰龍壽。中曰玉華。下曰遊仙。已上俱萬歷三十年秋添。其三洞至天啓元年冬拆。再西則內教場也。曰振武殿。曰恆裕倉。曰省敘亭。稍南臨河有坊。曰引群橋。其東則北關口。曰洪應殿。曰壇城。曰轟雷軒。曰嘯風室。曰噓雲室。曰靈雨室。曰耀電室。曰清一齋。曰寶



人在前引繩，可拉三二人，行冰上如飛。遇積雪殘雲，景更如畫。世廟晚年，尚元氣，多居內，嘉靖壬寅正月十日，夏言謂云：胡床僅坐渡層冰，即指拖床作也。萬曆間，臨御既久，禁網疎闊，每于河凍之後，近京貧民，聚來趁食于皇城內外，凡有冰處，拖床以餬口，過雲橋林阜，拖床者數輩相聞，交拉如織，亦有聚與，乘隙而竄往返者，至春水將泮，間有沉溺云。其河自寶鈔司東，與護城河之西脉，合流過長安右門之北，經承天門前，再東過長安左門之

北，自湧福閣會歸於皇城之巽域，而總出焉。護城河者，自北開口分流，經內官監白橋，大高元殿之東北，上西門之外，半邊石半邊磚橋入，此橋半用石者，防車輪耳。大高元殿前豎石牌，牌曰：宮眷人等至此俱下車馬。世宗尊崇元教，敬恪如此。水由橋下至紫禁城牆下，護城河而東，而西，經太廟之東，玉芝宮飛虹橋之西，而西

脉，則自太社太稷壇之西，至靈臺寶鈔司之東，合流於湧福閣之河焉。

紫禁城內之河，則自元武門之西，從地溝入，至廊下家，由懷公門以南，過長庚橋，與馬房橋，由仁智殿西，御酒房東，武英殿前，思善門外，歸極門北，皇極門前，會極門北，文華殿西，而北而東，自慈慶宮前之徽音門外，蜿蜒而南，過東華門，裏古今通築庫南，從紫禁城牆下地溝，亦自巽方出，歸護城河，或顯或隱，總一脉也。神廟久不臨御，河遂壅塞，前石圮也。地動，魏閣專政，勸令疏濬，是河也。非謂魯冰在藻，以恣遊賞，又非故爲曲折，以耗物料，蓋恐有意外火災，則此水賴焉。天啓四年，六科應災，六年，武英殿西油漆作災，皆得此水之濟，而且宮後苑魚池之水，慈寧

宮魚池之水，各立有水車房，用驢拽水車，由地灌以運輸，咸賴此河云。

大明門內曰承天門，其門裏之東一門內，則太廟也。西一門內，則太社太稷也。曰端門內，則六科也。東曰闕左門，再東則松林會堆處也。西曰闕右門，其居中巍然而向明者，午門也。鐘鼓在焉，旗幟在焉，曰左掖

門曰右掖門。門之內居中向南者皇極門。即承天門也。俗所謂羅見天銅壺溝漏在此。其左曰宏政門。即東角門也。考選通政司參議及鴻臚寺官在此焉。右曰宣治門。即西角門也。居西向東曰歸極門。即右順門也。居東向西曰會極門。即左順門也。皇極門內居中向南者曰皇極殿。即奉天殿也。金磚玉瓦。在殿額兩傍。左向西者曰文昭閣。即文樓也。右向東者曰武成閣。即武樓也。南北連屬穿堂。上有滲金圓頂者曰中極。即華蓋殿也。殿之兩傍。東曰中左門。西曰中右門。再北曰建極殿。即護身殿也。俱嘉靖四十一年重修。工完所更今名者也。殿居中向後。高踞三躔。白玉石欄杆之上。與乾清門相對者。靈臺門也。兩傍向後者。東曰後左門。西曰後右門。即靈臺左右門。亦名平臺者也。凡召對閣臣等官。或于平臺。即後左門也。又東則景運門也。西則隆宗門也。隆宗門西南向者。仁德門也。乾清門外左右金獅各一。入門丹陛。直至乾清宮大殿。其殿內居中向南大匾曰敬天法祖。崇禎元年八月初四日懸掛。係司禮監掌印高太監時明筆也。殿左曰日精門。右曰月華門。左小門曰龍光。右小門曰鳳彩。殿之東西有斜廊。廊之後左曰昭仁殿。右曰宏德殿。東西各有角門。宮後披簷。東曰思政軒。西曰養德齋。再北則穿堂居。中圓殿曰交泰殿。滲金圓頂。亦猶中極殿之制也。再北曰坤寧宮。則皇后所居也。曰永祥門。增瑞門。俱萬曆二十五年二月十一日添額。宮之東披簷曰清暇居。北圍廊曰游藝齋。俱崇禎五年十月二十三日懸安者也。宮後左曰景和門。右曰龍福門。再北右曰端則門。左曰基化門。便接瓊苑東西門矣。坤寧宮有門。原曰廣運門。嘉靖十四年七月。初二日。改曰坤寧門。萬曆三十三年。乾清宮。坤寧宮。俱鼎建告成。至四十年。始御居乾清宮西暖閣。

乾清宮大殿之左，向西者曰端凝殿，尙冠等近侍所司御服，袞冕玉圭冠帶等錢糧貯此。左向東者曰懋勤殿。天啓遺地，統於此。惟隆季之。此棧垣北辰深遠之處，中一路之大略也。

過日精門之東曰崇仁門，稍南曰內東裕庫，曰宏孝殿，曰神霄殿，卽舊名崇先殿也。日精門往北向南曰景明門，今日順德左門，則東一長街也。再北向西，與龍光門斜相對者曰咸和左門，向南者曰景仁宮，其東則東二長街也。南首曰麟趾門，北首曰千嬰門，麟趾門之東曰延祺宮，曰怡神殿，再東曰嘉德左門，又東則蒼震門也。此門恆閉，過掃。曹修造則開。咸和左門之北向西，與景和門相對者曰廣和左門，向南者曰承乾宮，東宮娘娘所居也。東二長街之東曰永和宮，廣和左門之北向西，與基北門相對者曰大成左門，向南者曰鍾粹宮，今日興龍宮。東二長街之東曰景陽宮。李靖皇后曹居此。千嬰門之北並列者，則乾東之房五所，其東後小門，每月初四二十四日打掃，凡有事則開也。宮正司六尙局，皆在乾清宮之東，已上皆東一路之大略也。

過月華門之西曰膳廚門，卽遵義門，向南者曰養心殿，前東配殿曰履仁齋，前西配殿曰一德軒，後殿曰涵春室，東曰隆福館，西曰臻祥館，殿門南則司禮監太監乘筆之直房也，其後廚尙有大房一連，緊靠隆道閣後，祖制宮中膳房也。魏忠賢移膳房于怡神殿，將此房亦改爲乘筆直房。養心殿之西南曰祥寧宮，宮前向北者曰無梁殿。保世廟，其制一木不有，皆碑石砌成者。月華門之西南巋然者隆道閣，原名皇極閣，後更遺心閣，至隆慶四年春，更此名也。左曰仁蕩門，右曰義平門。此二門原名會極，隆慶四年春更今名。閣之下曰仁德堂。舊名輔一堂，隆慶四年春更今名。前曰



